

## فيديو ٤٢٨ من مقاطع حظر التجول تدبر سورة النساء حلقة ١١

الآية ٣٢-٣٣

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تمنمية اربعة وعشرين من مقاطع حظر التجول والحلقة الحادية عشر من حلقات تدبر سورة النساء مستمرة في مخاطبة الرجال - 00:00:00

سبحان الله اسمها سورة النساء وهي عمالة تخاطب الرجال تمنعهم من اضطهاد النساء. من اكل حقوق النساء في الميراث. قتل حقوق النساء في المهر اللي هو الصداق دلوقتي ستضع قائمة او مش هتضع مش دلوقتي ده احنا هنبدأ حلقة او يعني اه احدي حلقتين او تلات حلقات عن المحرم - 00:00:25

ومات من النساء. اللي الرجال لا يستطيع انه يتزوج منهم لأن كان في ممارسات غريبة جدا في الجاهلية. يعني كان الابن يتزوج زوجة ابوه وقلنا في الحلقة السابقة انه يورثها يورثها - 00:00:47

بعد النكاح بتاعها بالمهر اللي ابوه دافعه خلاص هو كده ولسه زي ما يكون متاع من متاع البيت انها حسان او جمل فربنا قال الآية تسعteen وتدبرناها امبارح اعوذ بالله السميع العليم من الشيطان الرجيم - 00:01:02  
يا ايها الذين امنوا لا يحل لكم ان ترثوا النساء كرها ما فيش حاجة اسمها واحد يورس مرات ابوه طب لو مش كرها طب لو هي موافقة وهيتزوجها بعقد جديد - 00:01:21

ومهر جديد ينفع؟ برضو لا بمجرد ما ابوه عقد عليها اصبح اولاده محارم مؤبدین. يعني ايه مؤبدین؟ يعني للابد محارم واحد عقد على واحدة. ابنه اصبح محروم مؤبد. ياخدها يسافر بها الحج - 00:01:42

يا محروم تماما للاب زي امه انما اخوه محروم مؤقت ممكن لو هو مات او طلقها بعد العدة اخوه يتجوزها. ما فيش مشكلة جبنا بقى الكلام ده منين؟ الآية اتنين وعشرين. اقرا بقى معی الآية اتنين وعشرين - 00:02:08

ولا تنكحوا ما نكح ابائكم من النساء الا ما قد سلف انه كان فاحشة ومقتا وساء سبيلا ولا تنكحوا ما نكح ابائكم مجرد عقد النكاح حتى لو طلقها قبل الدخول - 00:02:28

يعتبر تزوجها خلاص وتحرم على ابنه يبقى ده معنى تنكحوا. تنكحوا يعني مجرد عقد النكاح طيب ما نكح اباؤكم يعني ايه اباؤكم؟ هي دي محتاجة كلام الاب؟ لا اباؤكم الاب والجد وابو الجد وجد الجد. يعني الاب وان علا - 00:02:50

ومش بس وان علا. ومن ناحية الام يعني ايه زوجة جدك لامك يعني جدك ابو امك ايضا وحرام عليك ان ده يعتبر من اباؤكم يعني من ابائكم جدك من امك اسمه من اباؤكم. كلمة اباؤكم تشمل جدك من امك. يبقى مش الاب وان علا بس. وكمان ابو الام وابو ابو الام - 00:03:15

هكذا تمام ولا تنكحوا ما نكح اباؤكم من النساء الا ما قد سلف يعني لو تزوجها في الجاهلية يبقى ايه؟ يبقى ما فيش اثم يعني مش بس في الجاهلية قبل نزول الآية دي برضو ما فيش اثم ما دام قبل التحرير ما فيش اثم ما فيش عقوبة لكن لازم - 00:03:41  
الا ما قد سلف يعني ما فيش عقاب على الانسان لكن لابد ان يحصل فراق بينهم لأنها لا تحل له زي امه بالزبط ثم ربنا بقى يبيين خطورة هذا الفعل - 00:04:06

وبيقول انه شيء في منتهى القبح انه كان فاحشة ومقتا وساء سبيلا السماح بالزواج من زوجة الاب امر فاحش يعني قبيح قبيح

ومقتن. المقت هو الكره مع الاحتقار يعني امر كريه وقبيح ومحترق - 00:04:26

وساء سببلا يعني ده طريق اخرته وحشة ده طريق اخرته وحشة. فيه رجال بتقتل رجال عشان يتزوجوا زوجاتهم متخيلين لما الرجال يقتل ابوه عشان يتجوز زوجته طريق اخرته وحشة وسأء سببلا - 00:04:54

اقرأ بقى معي ثلاثة وعشرين وربنا يثبتكم بقى الشرج بتاعها قد يعني انا هحاول ابسطه على قد ما اقدر وربنا يستر. عشان كده قلت لكم اشربوا قهوة النهاردة حرمت عليكم امهاتكم - 00:05:14

وبناتكم واخواتكم وعماتكم وحالاتكم وبنات الاخ وبنات الام امهاتكم ارضعنكم واخواتكم من الرضاعة وامهات نسائكم اللاتي في حجوركم من نسائكم اللاتي دخلتم بهن فان لم تكونوا دخلتم بهن فلا جناح عليكم - 00:05:37

وحلال ابناءكم الذين من اصلابكم وان تجمعوا بين الاخرين الا ما قد سلف. ان الله كان غفورا رحيماما الاية دي فيها اربعناشر صنف من النساء محربات حرمات عليكم امهاتكم وبناتكم واخواتكم وعماتكم وحالاتكم وبنات الاخ وبنات الام - 00:06:11

السبعة دول محربات آآ بالنسب عشان النسب اللي بينك وبينهم حرمات عليكم امهاتكم مين الامهات دول الام وام الام وام الام خد عندك كمان وجدتك لابوك تعتبر ام من امهاتك - 00:06:43

جدتك ام ابوك تعتبر امك. وامها تعتبر امك فهمت كده؟ طيب يبقى امك وام امك وام ابوك وام ام ابوك ما اظنش بقى في حد لسه عايش من اللي قبل الفوق بقى مش محتاج اقول اكتر من كده. يبقى امهاتكم دول معناها الامة والجادات من الناحيتين - 00:07:10

كل يعنيتعريفها بقى امهاتكم هن. بصوا بقى في العلم اهل العلم يقولوا ايه كل انشي حضرتك جيت عن طريق ولادتها كل انشي ولدك وبناتكم منهن بناتكم دول - 00:07:30

كل انشي لك انت عليها ولادة يبقى امهاتكم كل انشي لها عليك ولادة وبناتكم كل انشي لك انت عليها ولادة يعني بنتك وبنات بنت بنتك وبنات ابنك تعتبر بنتك - 00:07:55

وبنت بنت ابنك تعتبر ايه بنتك كل انشي جت عن طريق ولادتك انت. لولاك ما كتش هي جت طيب خد عندك كمان واخواتكم مين هم اخواتكم قال لك كل انشي اجتمعت معك في اصل او اصلين - 00:08:15

يعني اختك من امك وابوك واختك من امك بس. بس لك كل واحد فيهم له اب كانت امك متجوزة واحد ومات اتجوزت ايه آآ وخلفت البنت وبعد كده اتجوزت ابوك وخلفتك. انت والبنت دي - 00:08:36

ها اخوات بس اخوات لام او اختك من ابوك ابوك متجوز اتنين جابك من ام وجابها من ام تانية اختك من ابوك. دول معنى اخواتكم كل انشي اجتمعت معك في اصل او اصلين - 00:08:53

وعماتكم مين هم عماتكم ها مستعددين للخبطه؟ هنبدأ كل انشي ولدتها ولد سانية واحدة كل انشي ولدتها من ولد ولد زكر ولدك كل انشي ولدتها يعني ابوها اللي ولدتها لو ولد ولد زكر - 00:09:12

يولدك كل انشي ابوها لو عنده ابن ولد يولدك. يبقى العمدة علاقتك بها انها اخت ابوك عشان اللي ولدتها جدك لما جاب اخ لما جاب ولد لها اخ لها الاخ ده هو ايه؟ اللي جابك - 00:09:43

طيب ليه اللفة دي انا بقولها؟ عاملة كده زي ايه؟ بيسأوا جحا ودنك منين يا جحا؟ قال لهم اهي وراح حاطط ايده لأ مش عشان كده التعريف ده لان العمات مش بس اخوات ابوك. ايهرأيك بقى - 00:10:04

اخت ابوك واخت جدك. عمتك واخت جد ابوك عمتك بل ممكن كمان العمدة تيجي عن طريق الام. اخت جدك ابو امك تعتبر عمتك وعمت امك عمتك كل انشي ولدتها من ولد ذكرها - 00:10:20

ولدك يا رب تكونوا فهمتم. يعني الموضوع ده الحلقة دي محتاج تتفرجوا عليها مرتين ثلاثة وحالاتكم. مين هم الحالات كل انشي ولدتها من ولد انشي ولدتك خالتك علاقتها بك ايه - 00:10:51

ان جدك اللي خلفها لما خلف انشي تانية اخت لها جابتكم انت ده معناه ان حالة ابوك خالتكم خالد جدك خالتكم اخت جدتك من امك

خالتك يعني خالة امك خالتك؟ - 00:11:16

ها اتلخبطتوا ولا سة اقول لك على حاجة حتى لو متلخبطين دي كلها افتراءات هي اصلا ما بيحصلش ان حد بيتجاوز ام يعني يعني او بيبقى عايز يتتجاوز خالد جده والكلام ده بس هي ايه - 00:11:42

يعني ده علم موجود انا حسيت ان هو لطيف انكم تطلعوا عليه واضحة يا بنات الاخ الخالة العمة مايلا جاهزين؟ استعدوا بقى. وبنات الاخ مين بنات الاخ؟ كل انشى لاخيك عليها ولادة - 00:11:57

كل انشى اخوك ولدها بقت بنت اخوك يعني بنت اخوك يا بنت اخوك وبنات ابن اخوك ايه يا بنت اخوك وبنات بنت اخوك. بنت اخوك خلاص؟ طيب ده معناه بنت اخوك - 00:12:20

تبقى بنت اخوك بس حفيادات اخوك برضه بنات اخوك يعتبروا كده صح كده؟ تمام وبنات الاخ كل انشى لاختك عليها ولادة يدخل في الصنف ده بنت اختك وبنت بنت اختك - 00:12:47

وبنت ابن اختك ابن اختك بنته بنت اختك يعني كل انشى اختك لها عليها ولادة من غير اختك ما كتش جت دول كده السبعة المحرمات بالنسبة. عد معى. حرمت عليكم امهاتكم. وبناتكم واحواتكم وعماطكم - 00:13:07

وخلاتكم وبنات الاخ وبنات الاخت. سبع محرمات بالنسبة ييجي بعدهم سبعة محرمات بالسبب مش بالنسبة بالسبب اتنين محرمات بالرضاة وخمسة بالمصاهرة بسبب الجواز بسبب جوازك افضل الاتنين اللي بالرضاة عشان كده انا قسمتهم التقسيمة دي وانا بقرابها - 00:13:34

وامهاتكم اللاتي ارضعنكم واحواتكم من الرضاة وامهاتكم اللاتي ارضعنكم يعني اللي رضعتك دي تعتبر امك. اسمها امك من الرضاة حليمة السعدية كده اللي رضعت النبي عليه الصلاة والسلام يقوموا من الرضاة - 00:14:05

واحواتكم من الرضاة. يعني اللي رضعت من نفس الام اللي رضعتك. تعتبر اختك في الرضاة هم دول بس اللي حرام من الرضاة؟ لأن دول بس المحرمات من الرضاة بالقرآن. ولكن هناك محرمات من الرضاة بالسنة النبوية - 00:14:26

ليه؟ ايه الدليل؟ دايما في حاجة اسمها ايه الاصل؟ الاصل يعني الدليل. ولازم يكون قرآن او سنة السيدة عائشة قالت الحديث الصحيح ان النبي صلى الله عليه وسلم قال يحرم من الرضاة ما يحرم من النسب - 00:14:51

النسب قلناهم السبعة. مش كده يحرم من الرضاة هم هم السبعة دول بس ايه؟ من الرضاة. يعني ايه؟ يعني نروح نجيب السبعة اللي احنا لسه شارحينهم دلوقتي. ونحرمهم هم امة من الرضاة - 00:15:12

ده تحريم بالسنة وليس بالقرآن. هاتهم بقى هات المحرمات دول تاني الامة محرمات بالنسبة. افضل حرمت عليكم امهاتكم. قلنا خلاص امهاتكم من الرضاة. هي اصلا وردت محرمة في القرآن وبناتكم - 00:15:27

برضو آآبناتكم بقى يعني بنتك من الرضاة محرمة عليكم في حاجة اسمها بنتك من الرضاة! هو انا راجل هارضع ازاي؟ لأن بنتك من الرضاة يعني اللي زوجتك رضعتها وهي على زمتك وهي - 00:15:46

انت دلوقتي عندك زوجة رضعت بنت. البنت دي بقت بنتك من الرضاة. تحرم عليك لكن زوجتك دي انت طلقتها وجت بعد آآبعد العدة رضعت بنت. البنت دي مش بنتك من الرضاة. خلاص اللي رضاعتها مش زوجتك - 00:16:01

خلاص؟ دول ايه؟ وبناتكم هتبقى وبناتكم من الرضاة. هنجيب السبعة المحرمات من النسب ونقولهم لسبعة من الرضاة طبقا للحديث واحواتكم الایة اصلا قالت واحواتكم من الرضاة دي محرمة بايه؟ بالسنة. وعماطكم - 00:16:20

يعني وعماطكم من الرضاة يعني اخت الرجل اللي رضعتك زوجته وخلاتكم اخت المرضع اللي رضعتك وبنات الاخ بنات اخوك من الرضاة. ما انت اللي رضعتك رضعت معك ولد تاني او رضعت بعديك ولد. ما دام هي امك من الرضاة وام اي ولد تاني من الرضاة بقى اخوك من الرضاة - 00:16:40

سمعتوا بنات اخوك وبنات الاخ يعني بنات الاخ من الرضاة برضو شوفوا المسال ده يا جماعة ولد امه ادته لامرأة اخرى ترضعه فاللي رضعته بقت امه من الرضاة حرمت عليه - 00:17:05

وامها بقت امه من الرضاعة. ما قلنا الجدات وبنتها بقت اخته من الرضاعة حرمته عليه واخت زوجها بقت عمه من الرضاعة حرمته عليه - 00:17:24

وبنت ابنتها بقت بنت اخوه من الرضاعة هو دخل العيلة كواحد منها تماما بالرضاعة حكمه حكم الابن من الصلب بالزبط زي يعني الابن النسبي الابن بالنسبة. زي بالزبط يكون ده اسرته العادية - 00:17:42

طبعا دي بتبقى مشكلة لكن الحمد لله في حاجة هنا مطمئنة شوية وهي انه من هو اللي بيحرم من الرضاعة العلماء اتفقوا يعني او الجمهور على ان هم الا يرضع خمس رضعات مشبعات - 00:18:02

يعني لازم مش يعني رضع مرة اتنين ثلاثة من الاست دى لسة مش ابنتها في الرضاعة ما يحرمش عليه الستات دول كلهم. ولكن ازا رضع خمس رضعات مشبعات يعني ايه مشبعات؟ يعني بيقشط بعضهم. او بييطل بيكي بعدها. خلاص شبع - 00:18:25

ده معنى يعني المص والمصتان مش مش رضاعة فلو قعد رضع خمس مرات على الاقل مشبعات كده اصبح دخل العيلة دية حرمته عليه كل النساء دول. لذلك بننصح دايما - 00:18:46

في يعني في القرى بالزات وكده. يا جماعة بلاش حفلات الرضاعة اللي بتحصل في القرى دى. اللي هي كل واحدة تسيب ابنتها مع جارتها او مع مش عارف مين وتروح مشوار او مع اختها واختها تقوم مرضعاه. جارتها تقوم مرضعاه - 00:19:04

يرضع مرة اتنين ثلاثة بس بلاش اكتر من كده. عشان بتبقى مشكلة لما الولد يتزوج بنت وهي محرمة عليه وهم مش عارفين وبعد كده حد بيجي يقول يا جماعة دول راضعين على بعض بعد ما يكونوا اتجوزوا وخلفوا - 00:19:19

بتبقى كارثة لابد من التفريق بينهم بتبقى كارثة بتدمير اسر انا شفت يعني الكلام ده اسر بتدمير بسبب هذا الاهمال بسميه اهمال يا سيدى انت محتاجة ان ابنك يرضع على واحدة تانية - 00:19:34

اكتبوا الكلام ده يبقى فيه سجل كده للمواليد وبيتسجل وهو بيتطعم امتي؟ يتسجل مين رضعه ورضعته كم مرة. عشان حرام يا جماعة ده اختلاط انساب - 00:19:51

ويعني كارثة كملوا بقى الاية عشان نشوف المحرمات بقى من كده احنا جبنا ايه الاية جابت اتنين محرمات من الرضاعة يعني محرمات بسبب السبب الرضاعة. فيه بقى خمسة تانيين محرمات بسبب لكن بسبب المصاهرة. هات بقى معى - 00:20:04

وامهات نسائكم وربائكم اللاتي في حجوركم من نسائكم اللاتي دخلتم بهن فان لم تكونوا دخلتم بهن فلا جناح عليكم. خلينا في الاتنين دول دلوقتي وامهات نسائكم يعني بتحرم عليك حماتك. عشان واضحة يعني هي مش محتاجة كلام - 00:20:25

ام ام زوجتك وربائكم اللاتي في حجوركم يعني بنت مراتك. بنت زوجتك تسمى الريبب انت يعني هي بتتربي عنديك انت مربىها وربائكم اللاتي في حجوركم من نسائكم اللاتي دخلتم بهن. فان لم تكونوا دخلتم بهن فلا جناح عليكم - 00:20:45

يعني يحرم عليك تزوج بنت زوجتك ما تتجوز ام زوجتك ولا بنت زوجتك بس فيه امهات نسائكم ما قالشي اللاتي دخلتم بهن بينما في تحريم بنت الزوجة قال التي دخلتم بهن. ليه - 00:21:14

يعني لو واحد كتب كتابه عمل العقد عمله العقد وعملوا حفلة وعملوا عقد والناس قالت لهم بارك الله لك ما وبارك عليكم وجمع بينكم في خير. ثم طلق الزوجة دي - 00:21:39

ولم يدخل بها ما حصلش البناء ماشي يقدر يتزوج بنتها لكن العكس لأ لما جه بقى في البنت بنت الزوجة قال لك ايه وربائكم اللاتي في حجوركم من نسائكم اللاتي دخلتم بهن - 00:21:53

فان لم تكونوا دخلتم بهن فلا جناح عليكم بنت زوجتك تحرم عليك سانية واحدة اه عشان اتلخبطت بس. اوكي الفكرة ان الام مش هتشيل في قلبها من بنتها لكن العكس صحيح - 00:22:14

لو انت كتب كتابك على انسانة وبعد العقد طلقتها ما تقدرش تتجوز امها. لان البنت ممكن تشيل في قلبها على امها لكن قلب الام ما فيش زي اصلا. يعني لو تلاحرز انت بقى في العلاقات دية - 00:22:40

ربنا حرم زوجة الاب بمجرد العقد لو الاب عقد على واحدة تصبح تتصح آ محمرة عليك الى الابد حتى لو ابوك طلقها قبل ما يبني بها.

قبل الدخلة زوجة الابن برضو تحرم على الاب بمجرد ما ابنته يعقد عليها - 00:22:54

ام الزوجة تحرم بمجرد العقد على البنت انما البنت لا تحرم بمجرد العقد على الام لان الام ممكн تسامح بنتها ما فيش زي قلب الام ابدا ولكن طيب ما دام الام طيبة او اي كده ايه الاخبار؟ لو حتى واحد آآآ اتجاوز اتجاوز الام - 00:23:17

وتم البناء وتمت الدخلة وبعد كده اطلق عليه ما يتجاوزش بنتها مش لأنّ هو كل شيء له حدود اذا الرجال دخل بالام تحرم عليه بنتها لان العلة هنا ما ينفعش يجتمع - 00:23:43

البعضين دول. البعض ده ما ينفعش. اللي هو عملية العلاقة الحميمة ما ينفعش تتم مع الاثنين دول اقول لكم على حاجة كمان هذا يسري حتى في العلاقات المحرمة كان عندنا حالة صعبة جدا من تلاتين سنة - 00:23:56

كنت بحضور في مسجد شارع كابول في مدينة نصر اسمه مسجد الهدى ولا الهدى وكان درس للشيخ عبدالستار فتح الله. ربنا يا رب يبارك في عمره يا رب فجهه ولد في واحد بعث سؤال من اصعب ما يمكن - 00:24:19

قال انا كنت ولد منفلت وصايع وبنات ستات وربنا هداني الحمد لله والاخوة جابوا لي عروسة. فرحت اشوفها في بيتها وقابل اهلها فوجئت ان امها من النساء اللي انا عملت معهم علاقة - 00:24:37

محرمة من عدة سنوات هل يجوز ان اتزوج بهذه الفتاة؟ الشيخ اجابه ان جمهور العلماء انه لا يجوز له ان يتزوجها. يعني هو ما كانش متزوجة ده دي كانت علاقة محرمة. هي هي نفس العلة - 00:24:55

لا يجتمع البعضين دول نرجع للاية ثلاثة وعشرين وامهات نسائكم. حماتك بمجرد ما تكتب العقد على زوجتك حماتك بقت محرمة عليك. الى الابد محرم مؤبد وربائكم اللاتي في حجوركم من نسائكم اللاتي دخلتم بهن. الربيبة يعني بنت الزوجة تسمى ربيبة لان التربية آآ يعني - 00:25:13

من التربية اللي المفروض ان انت بتريبيها زي بنتك فان لم تكونوا دخلتم بهن فلا جناح عليكم. لو كنت عقدت على امها فقط وطلقتها بعد كده او ماتت يقدر تقدر تتزوج بنتها - 00:25:37

الا يا رببتك بس في قيد اخر ربنا قال وربائكم اللاتي في حجوركم يعني بنت زوجتك اللي متربيه في حجرك يعني متربيه في بيتك زي بنتك ازاي تفك تزوجها؟ لا يجوز انك تزوجها. الله! طب ولو مش متربيه في حجري - 00:25:51

لو مش متربيه في بيتي لو متربيه عند ابوها هل يجوز اتزوج منها؟ الاية واضحة بتقول اللاتي في حجوركم برضو لأنّ لا يجوز تزوج منها طب ايه لزوم القيد ده ليه ربنا حط التقىيد ده وربائكم اللاتي في حجوركم هذا تقىيد. لأنّ - 00:26:13

قال لك هذا اسمه تقىيد للتنفيذ. يعني ايه للتنفيذ؟ عشان هدفه ان ربنا ينفرك من مجرد التفكير في شيء زي كده. ده شيء مقرف ازاي تفك في كده اديكم مسال تاني برضو التقىيد للتنفيذ. في سورة النور - 00:26:39

ربنا بيتكلم عن الناس اللي بتقذف المحسنات. يتكلموا في اعراض النساء. ان الذين يرمون المحسنات الغافلات المؤمنات طعنوا في الدنيا والآخرة ولهم عذاب عظيم. قذف المحسنات ده اه بيجرم على طول على طول خلاص بيعتبر مجرم - 00:26:56

والازم يعاقب ويقام عليه الحد اللي يتهم امرأة محسنة يعني محترمة غافلة يعني بيتكلم في عرضها من ورائها وهي مش حاسة بالكلام اللي هو عمال يشيعه في ضهرها - 00:27:16

اللي يعمل كده يبقى ملعون في الدنيا والآخرة وله عذاب عظيم. لازم يعاقب في الدنيا ويعاقب في الآخرة بس سانية واحدة النص ده مش بينطبق على اللي يشتم واحدة في وشها. يعني شاف واحدة في الشارع وراح شاتمها في وشها شتيمة في منتهى الفزاره تعطن في شرفها. ده كده مش - 00:27:35

محسنات طبقا للاية دي لأنّ عشان هي مش غافلة. قال لك لا. هذا تقىيد للتنفيذ. يعني ايه؟ يعني هو عادة اصلا اللي بيتكلموا على النساء في اعراضهم بيتكلموا من وراهم - 00:27:52

وده شيء يدل على الجبن فربنا بينفرك من اللي يعمل كده لكن حتى لو في وشهم هو قاذف محسنات. فهذا القيد قيد تنفيه يقرفك من الفعل ده ومن الناس اللي بتعمله - 00:28:06

خلی بالک بقى من حاجة. ایات القرآن الکریم التشریعیة الی بتشرع لیست مثل المواد القانونیة فی ای قانون وضعی من وضع البشر  
لانها ایات بتحمل جانب قانونی تشریعی وایضا جانب - [00:28:21](#)

تربوی روحانی الهدف من الشریعة ليس فقط احال العدالة والقسط في المجتمع. لا المسلم المفروض يتربى على الاخلاق الفاضلة  
ایضا. فالشريعة تيجي عشان تعمل احال للعدالة والقسط وتربى على الاخلاق الفاضلة. هو ده الجانب الغير موجود في ای تشريع  
وضعی من وضع البشر - [00:28:40](#)

کمل بقى وامهات نسائكم وربائكم اللاتی فی حجورکم من نسائكم اللاتی دخلتم بهن. فان لم تكونوا دخلتم بهن فلا جناح عليکم.  
اسمع بقى کمان واحد حلائل ابنائكم الذين من اصحابکم. وان تجمعوا بين الاختین الا ما قد سلف. ان الله كان غفورا رحیما. حلائل  
ابنائكم - [00:29:08](#)

الذین من اصحابکم يعني ایه ؟ اللي بیحلوا له زوجاته يعني يعني مراتات ابنک. اوکی ؟ زوجات ولادکم وملك اليمین. حلائل ابنائكم  
ماشي وملك اليمین بتوع ولادک اللي هو متخدھم آآ ملك يمين آآ للتسري يعني محظیة - [00:29:32](#)  
برضه لا تجوز خلاص للایه للاب. قلنا ما یعنی یجتمع البضعین دول عند اب واب وعند عند اه حلائل ایضا جمع حلیلة. ولها معنیین.  
اول حاجة المرأة التي تحل له - [00:29:57](#)

قلنا الزوجة وملك جميل. لأن في الوقت ده كان فيه حاجة اسمها ملك يمين. والشبهة دي لها فيديو انا رفعته النهاردة على فيسبوك.  
اتفرجوا عليه لكن المعنى الثاني هو حلیلة يعني التي تحل مع زوجها حيث حل - [00:30:13](#)  
سافر يدرس برة يعمل ماجستير فسافرت معه. راح يشتغل في الكويت راحت معه. حليلته شريكة حیاة ابنک رفیقة کفاح ابنک يعني  
يخرب عقلک انت ازای اصلا فکرت في كده! وحلائل ابنائكم الذين من اصحابکم. تشعر ان الاية بتقول للناس هو انت - [00:30:26](#)  
انت ایه دماغکم دي ؟ ازای بتفکروا كده شفتم الجانب التربوي يا جماعة اللي في الاية اللي هو بیصحح الاذواق. انت ایه الزوج بتاعك  
ده ؟ انت ازای اصلا تفکر كده ؟ فالایة بتصلاح الاذواق - [00:30:49](#)

بتصلاح الاخلاق بتصلاح التفکیر. مش مجرد تقول لك ده ممنوع. الا ممنوع. انا عم بنتكلم في غرامة اه اه کسر اشارة. احنا بنتكلم في  
حاجة اخلاقیا و ازای الانسان یستسیغ هزا الامر - [00:31:02](#)

خلاص نلاخز ان الاية برضو قالت وحلائل ابنائكم الذين من اصحابکم. يعني استثنیت الابن بالتبني. والعجیب بقى ان العصر كانوا  
بیبیحوا حاجات غریبة جدا بیبیحوا الزواج من من كل النساء اللي ذكرناهم دول - [00:31:16](#)  
كانوا بیتجوزوا زوجات ابائهم كانوا بیتجوزوا زوجات ابنائهم وقال ایه الاخلاق بقى یمتنع عن الزواج من نساء كانوا زوجات ابنائهم  
بالتبني اللي هم اصلا مش ابناءهم خالص ولا یمتد لهم بصلة - [00:31:35](#)

شيء عجیب جدا وكانوا یصرروا على المسألة دي فجاءت الشريعة تبطل هذا الاعتقاد بل الشريعة استخدمت النبي صلی الله علیه  
وسلم في ابطال هذا الاعتقاد الفاسد بان ربنا زوجه من طلیقة ابنه بالتبني سابقا زید ابن حارثة - [00:31:55](#)  
والایة في سورة الاحزاب ابقو یرجعوا للتذیر بتاعنا فيها وفيها الشرح كامل فلما قضی زید منها وترأ زوجناکها. ربنا اللي جوزها له  
لکي لا يكون على المؤمنین حرج في ازواج ادعیائهم اذا قضوا منها وترأ - [00:32:16](#)

وكان امر الله مفعولا عشان ما یبقاش فيه حرج على ای مسلم ان لو ابنه بالتبني اللي هو مش ابنه عسکر ربنا قال ادعیائهم اللي ادعوا  
انهم ولادهم هم مش اولادهم. ما فيش حاجة اسمها تبني وتدی واحد آآ اسمک - [00:32:35](#)

هذا باطل الاسلام ابطله اذا الولد ده طلق ممکن تجوز مراته. يلا واهو نبیک نفسه جوزناه مرات ابنه بالتبني کمان وتشعر ان ده كان  
يعنی کان عامل حرج. كان الوضع محرج بالنسبة للرسول عليه الصلاة والسلام - [00:32:51](#)

طبعا اه لازم اه بیطیع ربنا کمل الاية بقى اخر حاجة بقى ممنوع ایه ؟ وان تجمعوا بين الاختین الا ما قد سلف ان الله كان غفورا رحیما.  
يعنی لا یجوز حد یتجوز اختین ؟ لا یجوز تتجوز اختین - [00:33:08](#)

لا یجوز هو انك تجمع بين الاختین في نفس الوقت يعني سیدنا عثمان ابن عفان تزوج بنت النبي صلی الله علیه وسلم رقیة رضی

الله عنها. بعد ما ماتت تزوج اختها وام كلثوم - 00:33:24

لكن لا يجوز ان كان يجمع بين الاختين في نفس الوقت الا ما قد سلف ببرضو معناها ان الوزر قبل نزول التشريع مغفور ربنا بيففره لكن لو واحد متزوج اختين قبل التحرير ثم نزل التحرير لازم يطلق واحدة منهم - 00:33:38

لازم هيفارق واحدة منهم. الموضوع بقى طبعا فيه تفاصيل فقهية بقى اوبي. تخص استبراء الرحم والتأكد ان اللي طلقها مش حامل فلا يقيم على اختها اللي على زمته آآ اللي هي ابقيها الا بعد ما اختها تكمل العدة ويتأكدوا انها ايه مش شغالانة بقى تفاصيل كتيرة جدا العلامة اتكلموا - 00:33:58

لكن اللي يهمني هنا ان زي ما شفتم الشريعة الاسلامية من ادلة نبوة محمد بن عبدالله صلى الله عليه وسلم. يعني دليل على صدق النبوة في هذه الشريعة العميقه جدا - 00:34:18

كيف يمكن لرجل امي ان يخرج بتشريعات دقيقة بهذه الطريقة لها كمان جانب تربوي اخلاقي بيصلح الاذواق بالإضافة للجانب القانوني في صحراء الجزيرة العربية من الف وربعية سنة. في الوقت اللي فلاسفة اليونان كانوا بيكتبوا شرائع لتنزيم حياة الناس - 00:34:33

النهادة لما تقرأها معظمها يوضح شيء عميق جميل. بارك الله فيكم. خلونا نتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب - 00:34:56

وما زويت عنا مما نحب فاجعله فراغا لنا فيما تحب. اللهم اجعل حبك احب اليها من اهلينا واموالنا ومن الماء في البارد على الظماء. اللهم حبنا اليك والى ملائكتك وانبيائك ورسلك وعبادك الصالحين. واجعلنا من يحبك ويحبك - 00:35:15

ملائكتك وانبيائك ورسلك وعبادك الصالحين. اللهم احبي قلوبنا بحبك. واجعلنا لك كما تحب. اللهم اجعلنا نحب لقلوبنا ونرضيك بكل اجسادنا. اللهم اجعل حبنا كله لك وسعينا كله في مرضاتك. اللهم اجعل القرآن - 00:35:35

الكريم ربنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله علي العظيم ان يجعل هذا التدبر في ميزان حسناتكم وحسناتكم جميعا. اللهم فاطر السماوات والارض عالم الغيب والشهادة - 00:35:55

انت تحكم بين عبادك فيما كانوا فيه يختلفون. فبحق كل حرف في كتابك تلوناه او تدبرناه. اكفنا واهلينا واخواننا واحواتنا شر كل من يكيد لنا ولهم. واحفظنا واياهم من شرورهم ونجعلك اللهم في نحورهم فانت الوكيل ولا حول ولا - 00:36:15

الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين اللهم سدد رميهم وخيب رمي عدوهم. اللهم تقبل شهداءهم وكن مع اخواننا في تركستان الشرقية وفي الشام وفي كشمير وفي سريلانكا - 00:36:35

وفي الهند يا رب العالمين. وانصر يا رب من نصرهم واخذل يا رب من خذلهم وطهر المسجد الاقصى من الدنس فانهم لا يعجزونك. واكتب لنا يا ربنا ختم القرآن فيه. اللهم انك تعلم ان هذه القلوب قد اجتمعت على كتابك وعلى محبتك. والتقت يا - 00:36:56

ربنا على طاعتك وتوحدت على دعوتك وتعاهدت على نصرة شريعتك. فوثق الله مرابطتها وادم ودها واهدها سبلها واملاها بنورك الذي لا يخبو. واشرح صدورها بفيض الايمان بك وجميل التوكل عليك. واحييها يا ربنا بمعرفتك - 00:37:16

يا مولانا على الشهادة في سبilk انك نعم المولى ونعم النصير. وصل الله وسلم على سيدنا محمد وعلى الله وصحبه ومن تبعه والسلام عليكم ورحمة الله. ونراكم غدا بازن الله في نفس هذا الموعد ان كنا من اهل الدنيا - 00:37:36